

**COFNODION CYFARFOD  
FFORWM DERBYN SIR BENFRO  
CYNHALIWYD YN OMD1, NEUADD Y SIR, HWLFFORDD  
DDYDD IAU 7 TACHWEDD 2019 AM 8:30AM**

**PRESENNOL:** Mrs D Davies (Cadeirydd)  
Y Parch H Cale  
Y Parch J Cecil  
Mrs K Evan-Hughes  
Mr P Edwards

Ven P Mackness  
Mrs S Roberts  
Y Cyngh A Tudor  
Mr D Thompson  
Mrs T Williams

**HEFYD YN BRESENNOL:** Mr Huw Jones (Ysgrifennydd y Fforwm)  
Mrs Jude Stamp (Cymerwr cofnodion)

<b>1</b>	<b>Ymddiheuriadau am Absenoldeb</b> Cafwyd ymddiheuriadau am absenoldeb gan: Y Cyngh J Davies, Mr P Harries, Y Cyngh G Woodham	
<b>2</b>	<b>Aelodaeth y Fforwm Derbyn</b> Estynnwyd croeso cynnes gan y Parchedig J Cecil, sydd wedi cymryd lle'r Canon B Witt.  Nododd Mr H Jones fod y Fforwm bellach yn llawn ar ôl penodi Mr Tom Moses fel cynrychiolydd rhieni ym mis Awst 2019.  Daw cyfnodau Swyddi y Cadeirydd a'r Is-gadeirydd i ben ar 30.11.19, a dylid eu penodi yn ystod y cyfarfod nesaf a gynhelir ym mis Mehefin 2020.	
<b>3</b>	<b>Adolygu'r Cyfansoddiad a'r Cylch Gorchwyl</b>  Dyweddodd Mr Jones wrth yr aelodau mai ym mis Mehefin 2010 y cynhaliwyd yr adolygiad diwethaf o'r cyfansoddiad a'r cylch gorchwyl. Yn ystod yr adolygiad nesaf, bydd angen ystyried a yw'r aelodaeth bresennol yn diwallu anghenion o ran derbyniadau yn yr awdurdod cyfan.  Mae angen edrych ar y ffordd y caiff plant y lluoedd arfog eu trin ac a oes angen cynnwys rhywun o faes plant y lluoedd arfog ar y pwyllgor. Dywedodd Mrs Evan-Hughes wrth y pwyllgor fod disgwyl i Lywodraeth Cymru gyhoeddi canllawiau newydd yn fuan, a bod y dull gweithredu yn debygol o fod yr un fath ag ar gyfer Plant sy'n Derbyn Gofal. Bydd Mrs Evan-Hughes yn dod â'r Canllawiau i'r fforwm unwaith y byddant wedi'u cyhoeddi.	

	<p>Dywedwyd wrth y fforwm y bydd Mrs Hayli Gibson yn cymryd yr awenau yn y maes hwn, a bod ganddi wybodaeth dda am deuluoedd y lluoedd arfog gan ei bod yn perthyn i deulu o'r fath ei hun.</p> <p>Mae'n bosibl y bydd goblygiadau mawr i'r canllawiau newydd gan eu bod yn annog ystyriaeth o aelodau wrth gefn a phersonél y lluoedd arfog sydd wedi ymddeol mewn perthynas â'r canllawiau.</p> <p>Anogir teuluoedd i symud i gymunedau, ac er bod barics yn cau, bydd teuluoedd yn aros ac yn denu eraill sy'n chwilio am sefydlogrwydd.</p> <p><b>Penderfyniad:</b> Cytunodd yr aelodau y dylid gohirio'r eitem benodol honno tan i'r canllawiau gael eu cyhoeddi. Os caiff y canllawiau eu cyhoeddi cyn y cyfarfod nesaf, caiff papur ôl-weithredol ei gyflwyno i'r fforwm.</p>	<b>Aelodau'r Fforwm</b>
4	<p><b>Cofnodion y cyfarfod a gynhaliwyd ar 13 Mehefin 2019</b></p> <p>Cymeradwywyd cofnodion y cyfarfod a gynhaliwyd ar 13 Mehefin 2019 fel cofnod gwir a chywir, ar wahân i un camgymeriad sillafu ar gyfer y Canon Witt.</p>	
5	<p><b>Materion yn codi</b></p> <ul style="list-style-type: none"> <li>• <u>Eitem 5 – Diwrnodau Rhagflas:</u> Mae nodyn bellach wedi'i ychwanegu at y gweithdrefnau derbyn, a chaiff ei gwmpasu o dan Eitem 9 ar yr Agenda sydd i ddod.</li> <li>• <u>Eitem 5 – Protocol Dalgylch</u> Cytunwyd ar y protocol hwn yng Nghyfarfod Cymdeithas Penaethiaid Uwchradd Sir Benfro (PASH), ac mae bellach yn cael ei roi ar waith.</li> <li>• <u>Eitem 6 – Polisi Derbyn ar gyfer Canolfannau Iaith:</u> Mae'r eitem hon yn mynd rhagddi. Dywedodd Mr Jones y bu'n anodd creu polisi cyffredinol ar gyfer y tair canolfan a bod angen sicrhau eu bod yn cael pethau'n iawn. Mae'r Eitem yn mynd rhagddi'n barhaus.</li> <li>• <u>Eitem 8 – Trefniadau Clercio:</u> Dywedodd Mr Jones wrth y fforwm y bydd y Gwasanaethau Pwyllgorau yn goruchwyllo'r trefniadau clericio ar gyfer cyfarfodydd yn y dyfodol.</li> </ul> <p>Manteisiodd Mrs Evan-Hughes ar y cyfle i ddangos yn ffurfiol werthfawrogiad y Penaethiaid am waith caled a phroffesiynoldeb Mrs T Williams, ac ategwyd hyn gan y Fforwm hefyd.</p>	
6	<p><b>Adroddiad Blynyddol Drafft Fforwm Derbyn 2018/19 (i'w gymeradwyo)</b></p> <p>A hwythau wedi cael copi o'r adroddiad drafft yn flaenorol, gofynnwyd i'r aelodau ei ystyried. Esboniodd Mr Jones ei bod yn ofynnol iddynt lunio</p>	

	<p>adroddiad blynyddol i'w gyflwyno i Lywodraeth Cymru erbyn 30 Tachwedd 2019. Yn draddodiadol, defnyddir y cyfarfod hwn i fynd drwy'r adroddiad a'i gymeradwyo. Mae'r adroddiad yn rhoi diweddariad ar aelodaeth a'r math o aelodau o ran y categorïau a osodir gan Lywodraeth Cymru. Mae hefyd yn cynnwys manylion cyfarfodydd, cydymffurfiaeth ag ymgynghoriadau ac adlewyrchiad o ysgolion gwirfoddol a reolir ac ysgolion gwirfoddol a gynorthwyr. Mae'r adroddiad hefyd yn cynnwys disgyblion agored i niwed sydd wedi'u cofrestru ar gyfer Gweithredu gan yr Ysgol a Mwy, Plant sy'n Derbyn Gofal a gwaith yn ymwneud â diogelu ac addysg ddewisol yn y cartref.</p> <p>Cododd y Parchedig H Cale rai pryderon ynglŷn â disgyblion yn symud o gwmpas, a'r angen i sicrhau rheolau llymach o ran rhannu gwybodaeth a gweithio gyda Swyddogion Lles Addysg.</p> <p>Gweithdrefnau Derbyn yn Ystod y Flwyddyn yw'r maes gwaith sy'n achosi'r anawsterau mwyaf a'r pwysau gwaith mwyaf yn yr Adran Derbyniadau.</p> <p>Awgrymodd Mrs Evan-Hughes y dylid sefydlu gweithgor o benaethiaid cynradd ac uwchradd, ac y dylai'r tîm derbyniadau lunio taflen A4 un ochr yn esbonio'r broses a'r sgil-ffeithiau ar gludiant. Yn debyg iawn i siart lif. Mae nifer o bobl yn profi amgylchiadau eithriadol; gellir nodir hyn sy'n cyfrif fel amgylchiadau o'r fath yn yr un daflen ar gyfer ysgolion a rhieni.</p> <p><b>CAM GWEITHREDU: TW a DT i drefnu gweithgor i lunio siart lif gwybodaeth.</b></p> <p><b>PENDERFYNWYD: Cytunodd y fforwm i gymeradwyo'r Adroddiad Drafft</b></p>	<p><b>TW/DT</b></p> <p><b>FFORWM</b></p>
<p><b>7</b></p>	<p><b>Diweddariad ar Drosglwyddiadau Uwchradd ar gyfer mis Medi 2019</b></p> <p>Bydd Mrs Williams yn rhoi diweddariad ar y newidiadau o ran dyrannu o fis Mawrth i fis Hydref. Dywedodd Mrs Evan-Hughes ei bod yn werth nodi camsyniadau ynghylch ysgolion penodol.</p> <p>Bydd nifer derbyn Ysgol Uwchradd WR Hwlfordd yn lleihau pan fydd yr ysgol ar un safle. Bydd yn anodd defnyddio'r fformiwla capasiti ar gyfer y cabanau, ond bydd yn lleihau yn yr ysgol newydd.</p>	
<p><b>8</b></p>	<p><b>Adroddiad ar Apeliadau ynghylch Derbyniadau</b></p> <p>Ers cyfarfod diwethaf y Fforwm ar 13 Mehefin 2019, mae 26 o apeliadau unigol wedi dod i law.</p> <p>O blith y 26 o apeliadau, tynnwyd 7 yn ôl oherwydd newid i amgylchiadau neu leoedd yn cael eu cynnig yn ddiweddarach.</p> <p>O blith yr apeliadau a oedd yn weddill, cadarnhawyd pob un ond un.</p>	

	<ul style="list-style-type: none"> <li>• 2 ar gyfer Ysgol Gynradd Aberdaugleddau</li> <li>• 3 ar gyfer Ysgol Uwchradd WR Hwlfordd</li> <li>• 4 ar gyfer Caer Elen (gwrthodwyd 1)</li> <li>• 5 ar gyfer Ysgol Gymunedol Doc Penfro</li> <li>• 2 ar gyfer Cil-maen</li> <li>• 1 ar gyfer Fenton</li> <li>• 1 ar gyfer Tafarnspite</li> </ul> <p>Aeth Mr Jones drwy broses a gweithdrefnau'r panel apeliadau. Mae angen sicrhau bod achosion apêl mor gadarn â phosibl gan mai dim ond y wybodaeth a gyflwynir gan y rhieni y gall yr awdurdod lleol ei hystyried.</p> <p>Cynhaliwyd trafodaeth ynghylch y materion yn ymwneud â'r Ganolfan Athrawon a'r lle cyfyngedig i rieni gofnodi gwybodaeth.</p> <p>Anogir rhieni i gyflwyno gwybodaeth bellach drwy e-bost.</p>	
<b>9</b>	<p><b>Nodyn Atgoffa i ysgolion ynglŷn â'r Gweithdrefnau Derbyn (Medi 19)</b></p> <p>Esboniodd Mrs Williams fod y canllawiau'n cael eu hanfon at Benaethiaid yn ystod tymor yr Hydref.</p> <p>Cafwyd trafodaeth ynghylch defnyddio'r amserlen a'r daflen broses ar gyfer y siart lif. Byddai hyn yn ddefnyddiol i swyddogion gweinyddol ysgolion wrth roi gwybodaeth i rieni.</p> <p>Dywedodd Mrs Williams fod materion hefyd yn codi pan fo ysgolion yn dweud wrth rieni fod lle yn yr ysgol, er ei bod yn bosibl nad oes lle.</p> <p>Bydd y siart lif a awgrymwyd a'r wybodaeth a roddir yn helpu yn hyn o beth, a gellir hefyd eu defnyddio ar gyfer rhieni.</p> <p>Cyfeiriodd Mr Edwards at faterion sydd wedi codi ynghylch ardaloedd dalgylch, yn enwedig mewn perthynas â chymhwysedd ar gyfer cludiant. Awgrymodd Mr Jones y dylid cysylltu â Mr M Johns o'r adran Cludiant.</p>	
<b>10</b>	<p><b>Llyfryn Gwybodaeth i Rien 2020/2021</b></p> <p>Cyhoeddwyd y llyfryn newydd ar 1 Hydref 2019 drwy ddolen i'r wefan.</p>	
<b>11</b>	<p><b>Dirprwyo Trefniadau ar gyfer 6ed Dosbarth</b></p> <p>Esboniodd Mr Jones fod trafodaeth wedi'i chynnal yng nghyfarfod diweddar o PASH (Cymdeithas Penaethiaid Uwchradd Sir Benfro) i ystyried y trefniadau ffurfiol ar gyfer pennu niferoedd chweched dosbarth.</p>	

	<p>Ar hyn o bryd, mae ysgolion uwchradd yn ymgymryd â'u ceisiadau chweched dosbarth eu hunain. Er mwyn dirprwyo hyn i'r tîm derbyniadau, byddai angen i bob ysgol sefydlu ei threfniadau derbyn ei hun drwy ymgynghori.</p> <p>Dyma'r argymhellion:</p> <ul style="list-style-type: none"> <li>i. Dylai'r trefniadau derbyn ar gyfer chweched dosbarth barhau yn rhan o drefniadau'r Cyngor ar gyfer ysgolion cymunedol ac ysgolion gwirfoddol a reolir</li> <li>ii. Dylid sefydlu protocol lleol y cytunwyd arno lle bydd ysgolion uwchradd yn parhau i weinyddu derbyniadau chweched dosbarth, ond yn adrodd i'r Fforwm Derbyniadau yn flynyddol ar eu trefniadau, nifer y dysgwyr a'r meini prawf dethol</li> </ul> <p>Cytunwyd y byddai angen adroddiad mwy ffurfiol i sicrhau bod yr ysgolion yn gwneud eu gorau dros eu dysgwyr. Gellid gofyn am fewnbwn y coleg hefyd.</p> <p>Dywedodd y Cyfarwyddwr wrth y fforwm fod y Tîm Rheoli Corfforaethol wedi cytuno i drefnu cynhadledd i rieni ac aelodau er mwyn rhoi gwybod i rieni am yr hyn sydd ar gael i'n pobl ifanc yn Sir Benfro.</p> <p><b>PENDERFYNWYD: Cytunwyd y dylid derbyn yr argymhellion mewn perthynas â Dirprwyo Trefniadau ar gyfer y 6ed Dosbarth</b></p>	FFORWM
12	<p><b>Awgrymiadau o ran eitemau i'w hystyried gan y Fforwm yn y dyfodol</b></p> <p>Cynhaliwyd sgwrs ynglŷn ag eitemau ychwanegol posibl i'w trafod mewn cyfarfodydd yn y dyfodol. Cytunwyd y dylid cael diweddariad blynyddol gan yr Adran Cludiant.</p> <p><b>Cam Gweithredu: Gofyn am Adroddiad Blynyddol gan yr Adran Cludiant ar gyfer y cyfarfod nesaf.</b></p>	TW/DT
13	<p><b>Unrhyw Fater Arall</b></p> <p>Gwnaeth Mr Jones gyflwyno Mr D Thompson yn ffurfiol. Mae Mr Thomas wedi ymuno â'r tîm a bydd yn goruchwyllo'r swyddogaeth derbyniadau. Bu'n gweithio ochr yn ochr â Mr H Jones a Mrs T Williams dros yr ychydig fisoedd diwethaf yn paratoi ac yn cyflwyno apeliadau amrywiol</p>	
14	<p><b>Dyddiadau'r Cyfarfodydd Nesaf</b></p> <p>Cytunwyd ar ddyddiadau'r cyfarfodydd nesaf, sef 11 Mehefin 2020 a 5 Tachwedd 2020 dros dro.</p>	

